

maethu
cymru

Castell-nedd Port Talbot

foster
wales

Neath Port Talbot

maethu a mwy

cam i lawr



Cyngor Castell-nedd Port Talbot
Neath Port Talbot Council



gwnewch wahaniaeth go iawn yn eich cymuned drwy ddod yn ofalwr cam i lawr maethu a mwy

Oes diddordeb gyda chi mewn ymuno â'n cymuned faethu? Dyma wasanaeth newydd yng Nghastell-nedd Port Talbot, ble rydyn ni'n chwilio am ofalwyr maeth i gefnogi plant a phobl ifanc i gamu i lawr o leoliad gofal preswyl (cartref plant) i mewn i gartrefi maeth. Fel Gofalwr Cam i Lawr Maethu a Mwy byddwch chi'n rhan o dîm sy'n cefnogi plentyn/ person ifanc, sy'n cynnwys cefnogaeth arbenigol gan ein tîm therapiwtig profiadol.


Fel rhiant corfforaethol mae Cyngor Castell-nedd Port Talbot (CnPT) yn gwneud ei orau i sicrhau fod plant sy'n derbyn gofal gan y Cyngor yn cael eu rhoi yn y lleoliad mwyaf addas i'w gefnogi orau, er mwyn iddyn nhw gyflawni'u canlyniadau. Fel Gofalwr Cam i Lawr Maethu a Mwy, byddwch chi'n chwarae rôl hanfodol wrth gefnogi plant i symud o gartref plant i mewn i gartref maeth cefnogol.

Yn achos nifer fach o blant a phobl ifanc sy'n derbyn gofal, mae byw mewn cartref plant yn eu cefnogi i gael cyfnod o sefydlogrwydd yn eu bywyd. Bydd angen cefnogaeth tîm o staff o'u cwmpas â mewnbwn therapiwtig ar rai plant a phobl ifanc, ac atebir yr angen hwn orau weithiau mewn cartref plant. Gan asesu'u hanghenion yn barhaus, ar ôl y cyfnod hwn o sefydlogrwydd bydd rhai o'r plant a phobl ifanc hyn yn abl a pharod i fyw mewn cartref maeth fel y gallant ddatblygu ymdeimlad o ddiogelwch a sicrwydd. Felly rydym ni wedi datblygu ein cynllun Maethu a Mwy, Cam i Lawr i'w cefnogi i gyflawni canlyniadau gwell.

Fel Gofalwr Cam i Lawr Maethu a Mwy byddwch chi'n cefnogi plentyn/ person ifanc sydd wedi profi rhianta anodd ac anghyson. Efallai eu bod wedi profi trais domestig, camddefnyddio sylweddau, esgeulustod ac wedi cael eu cymryd o ofal eu rhieni i'w cadw'n ddiogel. O ganlyniad, bydd rhai plant a phobl ifanc yn cael trafferth yn emosiynol, ac adlewyrchir hyn o ganlyniad yn eu hymddygiad; er enghraifft, yn yr ysgol fe allant fod yn cwmpo'n ôl gyda'u gwaith, efallai'u bod yn cael eu heithrio o'r ysgol neu'n dilyn amserlen a leihawyd. Efallai y byddan nhw'n herio rheolau a ffiniau a osodir. Bydd rhai pobl yn ymddwyn yn ddryslyd o ran eu hunaniaeth. O ganlyniad i bandemig COVID-19 mae mwy o bobl ifanc yn ymgyflwyno'n drist, gofidus ac unig, sy'n anoddach fyth i'r rheiny sy'n derbyn gofal. Bydd gan rai pobl ifanc heriau o ganlyniad i anghenion ychwanegol ac anabledau hefyd.

Mae ein tîm therapiwtig ymroddedig (ar gyfer plant sy'n derbyn gofal) yn sgilgar iawn; maen nhw'n wrandawyr rhagorol a byddan nhw'n eich cefnogi chi i ddatblygu'r sgiliau a'r wybodaeth sydd eu hangen i ddarparu gofal cyson.

Mae'n bwysig i'r Cyngor weld plant a phobl ifanc yn byw o fewn Castell-nedd Port Talbot a chael eu cefnogi i ddatblygu a chynnal cysylltiadau cadarnhaol â'u cymuned. Rydym ni eisiau sicrhau sefydlogrwydd a chysondeb ac osgoi gweld plant a phobl ifanc yn profi gorfod symud i leoliadau gwahanol. Felly rydym ni wedi datblygu ein cynllun Maethu a Mwy Cam i Lawr i'w cefnogi i gyflawni canlyniadau gwell.



pa sgiliau sydd eu hangen ar ofalwyr maethu a mwy cam i lawr?

Ydych chi'n rhan o gymuned Castell-nedd Port Talbot ac eisiau cefnogi plant a phobl ifanc lleol i fyw yn eu cymuned

Ydych chi'n wrandäwr da

Ydych chi'n amyneddgar a goddefgar

Ydych chi'n dda am ddatrys problemau

Ydych chi'n ymroddedig a gwydn

Oes gennych chi amser i'w fuddsoddi i ddod i adnabod pobl ifanc a'r hyn sy'n cyfri iddyn nhw

Ydych chi'n mwynhau cymryd rhan mewn gweithgareddau gyda phobl ifanc i'w helpu i ennill hyder

Allwch chi fod yn eiriolwr cryf a helpu'r person ifanc i gael clust i'w lais

Ydych chi'n gallu datblygu a chynnal perthynas gadarnhaol

Ydych chi'n gallu cefnogi mynychu ysgol/ coleg

Ydych chi wedi ymrwymo i weithio'n agos â gweithwyr proffesiynol eraill gan gynnwys tîm therapiwtig y Cyngor i ddeall yn well sut i helpu a chefnogi person ifanc dan eich gofal

Allwch chi ymgysylltu â hyfforddiant o safon uchel

Ydych chi'n fodlon gweithio fel rhan o dîm

sut mae'r broses yn gweithio?

asesiad → paru → cyflwyniad

Asesiad:

Os oes gennych ddiddordeb mewn dod yn Ofalwr Cam i Lawr Maethu a Mwy, yna bydd ein tîm Maethu'n cwrdd â chi i roi mwy o fanylion i chi ac ateb eich holl gwestiynau. Yna byddwch chi'n ymgymryd ag asesiad sy'n mynd gerbron ein Panel Maethu i'w gymeradwyo. Unwaith eto, bydd ein tîm o aseswyr yn gallu ateb eich holl gwestiynau ac ymholiadau ynghylch sut mae hyn yn gweithio.

Paru:

Pan fyddwch chi wedi cael eich cymeradwyo, byddwn ni'n trafod cyfeiriadau gyda chi ac yn eich paru gyda phlentyn/ person ifanc sy'n byw mewn cartref plant ar hyn o bryd gan ddisgwyl am deulu maeth. Byddwch chi'n derbyn yr holl wybodaeth berthnasol am y plentyn/ person ifanc gan gynnwys eu profiadau hyd yn hyn, beth maen nhw'n ei hoffi a ddim yn ei hoffi, eu diddordebau, beth sy'n cyfri iddyn nhw, a beth fyddan nhw angen cefnogaeth ag ef.

Cyflwyniad:

Bydd cyfnod cyflwyno gwydn ble gallwch chi dreulio amser gyda'r plentyn/ person ifanc yn y cartref plant i ddod i'w adnabod a gweld beth sy'n cyfri iddyn nhw. Byddwch chi'n gallu cysylltu â'r staff yn y cartref plant i ddeall beth sy'n gweithio'n dda i'r plentyn/ person ifanc a beth yw'r heriau. Bydd cyfarfodydd gyda gweithiwr cymdeithasol y plentyn/ person ifanc a phob asiantaeth arall sy'n rhan o gefnogi'r plentyn/ person ifanc, er enghraifft yr ysgol, y tîm lechyd Plant Sy'n Derbyn Gofal ac ati. Bydd hyn yn eich cefnogi i ddatblygu perthynas gadarnhaol tra bo'r plentyn/ person ifanc yn cynnal perthynas o fewn y cartref.

sut fydd maethu cymru castell- nedd port talbot yn eich cefnogi fel gofalwr cam i lawr maethu a mwy?

Os ydych chi'n Ofalwr Cam i Lawr Maethu a Mwy, gallwch ddisgwyl derbyn pecyn o gymorth fel rhan o ddull 'tîm o gwmpas y plentyn'. Fel Gofalwr Cam i Lawr Maethu a Mwy, **byddwn ni yno i chi ar bob cam o'r daith.**

Bydd eich cefnogaeth yn cynnwys:

- Mae gennym system ar alw ble gallwch gysylltu â'r tîm i gael cefnogaeth a chynghor yn ystod oriau swyddfa a thu allan i oriau swyddfa
- Bydd gennych weithiwr cymdeithasol goruchwyliol ymroddedig a fydd yn cysylltu'n wythnosol â chi
- Bydd gennych oruchwyliaeth fisol gan Weithiwr Cymdeithasol Goruchwyliol
- Bydd cyfarfodydd tîm bob pythefnos i'r rheiny sy'n ymwneud â chefnogi'r plentyn/ person ifanc am leiafswm o'r 12 wythnos gyntaf
- Byddwch chi'n derbyn cefnogaeth gan ein tîm therapiwtig arbenigol a phrofiadol gan gynnwys Seicolegydd Fforensig hynod brofiadol, gweithwyr cymdeithasol arbenigol a gweithwyr allgyrraedd
- Byddwn ni'n eich helpu i ddeall y trawma a brofwyd gan blentyn/ person ifanc a sut mae hyn yn amlygu yn eu hymddygiad
- Byddwn ni'n dysgu'r sgiliau i chi i allu darparu dull rhianta therapiwtig i ofalu am blant a phobl ifanc; bydd hyn yn eich helpu i ddarparu rhianta o safon uchel a chyson
- Bydd ein gweithwyr allgyrraedd ymroddedig yn darparu cefnogaeth gyson i chi a'r plentyn/ person ifanc yn eich gofal
- Byddwn ni'n trefnu i chi gael hyfforddiant arbenigol a byddwn ni'n eich cynorthwyo i gwblhau Cymhwyster Maethu Therapiwtig Lefel 2 (drwy gyfrwng y Ganolfan Ragoriaeth mewn Trawma Plant)

cefnogaeth ariannol

O fewn i Faethu Cymru Castell-nedd Port Talbot, bydd gofalwyr maeth yn derbyn taliad wythnosol ar gyfer y plant sydd yn eu gofal. Mae ein lwfansau'n adlewyrchu'r amser a roddir gan ofalwyr ac yn cydnabod eu sgiliau a'u harbenigedd yn y rôl o faethu. Mae'r taliad yn cynnwys dwy ran: lwfans y gofalwr maeth a lwfansau'r plentyn.

- Lwfans gofalwr o £800 yr wythnos (gweithredol o 1 Ebrill 2024).
- Yn ogystal â'r lwfans gofalwr o £800 yr wythnos, ceir lwfans wythnosol yn ôl oedran ar gyfer pob plentyn/ person ifanc yn eich gofal. Seilir y lwfans hwn ar yr Isafsymiau Cenedlaethol a osodir gan Lywodraeth Cymru ac mae'n cynnwys taliadau ar gyfer arian poced, lwfans gwyliau a dillad.

Dyma enghraifft o'r Lwfansau fel yr oeddent rhwng Ebrill 2023 – Mawrth 2024:

Oedran	Sylfaenol	Arian Poced	Dillad	Lwfans gwyliau	Cyfanswm yr wythnos
11-15	£157.46	£9.73	£20.30	£5.51	£193
16-17	£190.71	£15.40	£27.86	£7.03	£241

Enghreifftiau o lwfansau a dderbyniwyd:

Byddai'r ffi gofalwr a lwfansau'r plentyn wedi'u cyfuno (pe baech chi'n gofalu am berson ifanc rhwng 11-15 oed) yn werth hyd at £993 yr wythnos.

Byddai'r ffi gofalwr a lwfansau'r plentyn wedi'u cyfuno (pe baech chi'n gofalu am berson ifanc rhwng 16-17 oed) yn werth hyd at £1041 yr wythnos.

maethu | **foster**
cymru | **wales**

Castell-nedd Port Talbot

Neath Port Talbot

**Dyma gyfle cyffrous
i gyflawni canlyniadau
gwell i blant a phobl
ifanc sy'n derbyn gofal
yng Nghastell-nedd
Port Talbot.**

**Os hoffech chi wneud gwahaniaeth go iawn yn eich
cymuned drwy ddod yn ofalwr Cam i Lawr Maethu
a Mwy, neu os oes gennych unrhyw gwestiynau
pellach, cysylltwch â ni heddiw ar 01639 685866
neu e-bostiwch fostering@npt.gov.uk**



Cyngor Castell-nedd Port Talbot
Neath Port Talbot Council